

S. De statu vestro, quod petieram, ne tu verbum quidem dedisti.
Vereor, quid sit. Non audes
aut doles ob iniquitatem multorum. Non tacebo tamen quae interea
temporis audivi de tu
is. Principio: Incolas omnes expelli, ni civitatem emant. Quod
duplici ratione videtur
impietatis consilio fieri. Sic enim facilius poterit tyrannis contra
evangelium insanire
et vincere. Et privantur boni cives auxilio laborum quotidianorum,
unde tedio moti
demum, ubi viderint omnia infausta, desperatione veluti deficient
nullo ferme negotio. Bo
ne deus, quibus consiliis hic opus quibusque orationibus ad deum?
Deinde pro certo relatum
Trogerum istum superioribus diebus non alia de causa fuisse Tiguri,
quam ut clam
persuadeat ad pensiones reditum. Rumor item Lucernae natus et
pecunię
nonnihil iam dispensatum et a nescio quo Tigurino receptum.
Pereundum potius
omnibus nobis, quam patiendum, ut pensiones redeant. Novi, qui palam
inter
tuos disputare coeperit vetus in Helvetiis proverbium esse tales
esse nos, ut
si non foris belligeremus, inter nos congregiamur. Nominarem blandum
istum
tibi, si tuto possem. Provinciam duram sustines, mi Heinriche. Deum
incessanter invocabis, ut auxilio sit praesens tibi, si quo modo
gravia ista superari
queant. Ceterum vide et consydera rei iamiam patratae gravitatem.
Vocatis
bonos viros tanquam consultaturi de rebus matrimonialibus. Postquam
adsunt
illi, non pudet confiteri palam. Nihil interea super ea re tractatum
a vobis.
Pro vanitatem! Consultabis cum tuis, quo pacto sit tantae calamitati
obviandum.
Quae institui, acceperim adversus Bernenses. Nunc continebo, usque
dum tempus
erit. Tandem ad epistolam tuam. Satis sum contentus de responsione
tua,
libellum autem, de quo itidem inveni apud Zuinglium, non vidi nec
invenio hic
empturus alioqui. Quid, si mittas soluturo? Gratum est certe
postremum illud in
literis tuis de censibus. Aliter etenim res omnis ad me delata.
Fecisset, ut omnino
impegissemus. De Lavatero breviter ita habeto. Si manserit Otho, n
ihil est, quod contra dicam. Si non manserit, non dubito, quin tum
nec ipse
nec pater apud me velit hunc cohabitare. In votis est alioqui, imo
gauderem, si quomodo possem Lavetero patri gratificari. Vestrum
erit
iam amplius consultare, quid hic sit agendum. Habetis animum meum.

Vale
per dominum. Esto fortis. Deus suos non derelinquet. Basileae, 20.
iulii
anno 1533.
O. M.
Literae omnes a Rheto sunt
redditae etc.
Domino Heinricho Bullin-
gero doctissimo, charissimo
sibi in domino etc.